

শিক্ষা খাতে ৮শ কোটি টাকা দিচ্ছে বিশ্বব্যাংক

নিজস্ব প্রতিবেদক •

শিক্ষা খাতের উন্নয়নে ৮শ কোটি টাকা ঋণ দিচ্ছে বিশ্বব্যাংক। এ অর্থ জাতীয় বিশ্ববিদ্যালয়ের অধীনে সারা দেশের কলেজ শিক্ষার মান উন্নয়নে ব্যয় করা হবে। প্রকল্পটি সরকারি কলেজগুলোর ২ হাজার ৭শ জন শিক্ষকের শূন্য পদ পূরণে এবং শিক্ষকদের উন্নয়নে সাহায্য করবে। এর আওতায় জাতীয় প্রশিক্ষণ সংস্থা ও নটিংহ্যাম বিশ্ববিদ্যালয়ের সহযোগিতায় প্রশিক্ষণ সংস্থা স্থাপনের মাধ্যমে প্রায় ৮ হাজার কলেজ শিক্ষক ও পরিচালককে প্রশিক্ষণ দেওয়া হবে।

প্রকল্পের জন্য আইডিএ অর্থায়নের ঋণ ৬ বছরের গ্রেস পিরিয়ডসহ ৩৮ বছরে পরিশোধ করতে হবে। এ ঋণের উত্তোলিত অর্থের ওপর বার্ষিক শূন্য দশমিক ৭৫ শতাংশ হারে সার্ভিস চার্জ এবং শূন্য দশমিক ৫০ শতাংশ হারে কমিটমেন্ট ফি এরপর পৃষ্ঠা ৯ কলাম ১

শিক্ষা খাতে ৮শ কোটি টাকা দিচ্ছে

(৩ এর পৃষ্ঠার পর) দিতে হবে। তবে চলতি অর্থবছরসহ দীর্ঘদিন ধরে কমিটমেন্ট ফি শূন্য শতাংশে নির্ধারিত হয়েছে। গতকাল রাজধানীর শেরে বাংলা নগরের এনইসি সম্মেলন কক্ষে এ লক্ষ্যে চুক্তি স্বাক্ষর অনুষ্ঠিত হয়। চুক্তিতে স্বাক্ষর করেন অর্থনৈতিক সম্পর্ক বিভাগের (ইআরডি) অতিরিক্ত সচিব কাজী শফিকুল আযম এবং বিশ্বব্যাংকের পক্ষে টাকা অফিসের ভারপ্রাপ্ত কাফি ডিরেক্টর জাহিদ হোসেন। চুক্তি স্বাক্ষর শেষে জাহিদ হোসেন বলেন, বিশ্বব্যাংক শিক্ষা খাতে বিশেষ গুরুত্ব দিচ্ছে। আমাদের মোট বরাদ্দের ১৯ শতাংশই হচ্ছে শিক্ষা খাতে। এর আগে প্রাইমারি ও মাধ্যমিকে সহায়তা করলেও বর্তমানে উচ্চ শিক্ষা, কারিগরি শিক্ষা ও সকল শিক্ষার সহায়তা বাড়ানো হয়েছে। সপ্তম পঞ্চবার্ষিক পরিকল্পনা অনুযায়ী এই খাতে বিশেষ সহায়তা দিচ্ছি।